



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

ZL Anr. 474/2017

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Zyhdi Haziri kryesues, Rafet Haxhaj dhe Faton Ademi anëtarë, me pjesëmarrjen e zyrtarit të Lartë Ligjor Kudret Hasani, duke vendosur përkitazi me ankesën e Adnan Metkamberi kandidat për anëtar të Kuvendit Komunal në Rahovec, nga Iniciativa qytetare për Drejtësi dhe Unitet , paraqitur për shkak të mungesës së votave në vendvotimin 1601A/02R, për Zgjedhjet Lokale të datës 22.10.2017 në seancën e panelit të mbajtur me 24.10.2017, mori këtë:

V E N D I M

HUDHET si e palejuar ankesa ZL A.nr 474/2017 e datës 23.10.2017, e parashtruar nga Adnan Metkamberi kandidat për anëtarë të Kuvendit Komunal në Rahovec, nga Iniciativa qytetare për Drejtësi dhe Unitet , paraqitur për shkak të mungesës së votave në vendvotimin 1601A/02R

A r s y e t i m

PZAP-i, ka pranuar një ankesë me datë 23.10.2014, nga Adnan Metkamberi kandidat për anëtar të Kuvendit Komunal në Rahovec, nga Iniciativa qytetare për Drejtësi dhe Unitet , në të cilën pretendohet se ai duke u bazuar nga procesverbali dhe nga njoftimi i komisionarëve është njoftuar se ka gjithsej 13 vota në vendvotimin 1601A/02R.

Me tej kandidati ofron fakte se në atë vendvotim kanë votuar familjarët e tij dhe numri 13 perputhet me pritjet e tij, ndërsa nga procesverbali shihet se në tersi janë fshire votat e tij dhe në rubrikën e tij është vendosur një vijë dhe ato i kalojnë subjektit pa votuar fare kandidatin.

Paneli, pasi që shqyrtoj paraprakisht lejueshmërinë e ankesës, gjeti se:

Ankesa është e pa lejuar

Paneli nuk është lëshuar fare në vlerësimin e pretendimeve ankimore, lidhur me shkeljen e pretenduar në ankesë për vendvotimin 1601A/02R për faktin se shkeljet që ndërliken me rezultatin e votimit, nga shkelësi i supozuar, duhet të parashtrohen pas shpalljes së rezultatit

përfundimtarë nga KQZ-ja, e jo në këtë fazë të procedurës. Në rastin konkret nga KQZ-ja, nuk është marrë vendimi përfundimtar mbi shpalljen e rezultatit përfundimtar, andaj Paneli vendosi që ta hudhë si të parakohshme ankesën e ankueses. Hudhja e ankesës së ankuesit Adnan Metkamberi, nuk e paragjykon çështjen dhe ankuesit nuk i mohohet e drejta që mbi këtë bazë, të paraqes ankesa tjera, pas shpalljes të rezultatit përfundimtarë nga KQZ-ja.

Prandaj, nga arsyet e theksuara më lartë, e në kuptim të nenit 118 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa
ZL Anr. 474/2017 më datën 24.10.2017

Kryesuesi i Panelit
Zyhdi Haziri



Këshillë Juridike: Kundër këtij vendimi nuk është e lejuar ankesa.